

Otvoren put Krivaja II

Srijeda, 23 Juni 2010

Jučer je na području MZ Pešegrad svečano obilježen završetak još jedne dionice puta, a riječ je o putnom pravcu Krivaja II. Naime, nakon uspješnog završenog prvog dijela ove trase mjestani nisu posustali, već su nastavljeni radovi do konačnog asfaltiranja cijelog puta.

Prema riječima predsjednika građevinskog odbora akcija na realizaciji ovog projekta idejno je započela još 2003. godine, da bi se uz određene prekide i probleme tek 2008. godine odlučnije krenulo u realizaciju projekta uz podršku općine i "Komunalno-stambenog fonda"

Ovdje danas govorimo o dionici u dužini od 750m i ukupne vrijednosti cca 125.000,00 KM. Od toga je vrijednost pripremnih-zemljanih radova oko 50.000,00 KM, a vrijednost završne faze prema ugovoru 75.604,00 KM, riječi su Atifa Bajraktarevića, predsjednika građevinskog odbora.

Nesporno je da realizacija svakog infrastrukturnog projekta znači približavanje ovih sredina kako centru općine tako i njihovoj većoj urbanizaciji. "Možemo se pohvaliti realizacijom velikog broja projekata koji danas utiču na kvalitet života ljudi u svim mjesnim zajednicama. Zbog toga se nadam da će i ova dionica puta imati svekoliki značaj za mjestane MZ Pešegrad i njihovo privređivanje u svakodnevnom životu", riječi su načelnika Općine i načelnika Ograničenih mjestanina na svečanosti upriličenoj povodom otvorenja puta. Preuzeto sa :Opcina Cazin